



Jabatan Hal Ehwal Agama Islam Pulau Pinang

Khutbah Aidilfitri 1444H

"Syawal Dihayati, Dosa Dihindari"

Tarikh Bacaan:

**1 SYAWAL1444H/
22 APRIL 2023M**

Dibiayai oleh:



Zakat Pulau Pinang

Diterbitkan oleh:



Jabatan Hal Ehwal Agama Islam Pulau Pinang



Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor (Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab (Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



Teks Khutbah Aidilfitri 1444H

“Syawal Dihayati, Dosa Dihindari”

(1 Syawal 1444H / 22 April 2023M)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

اللَّهُ أَكْبَرُ كَثِيرًا وَالْحَمْدُ لِلَّهِ كَثِيرًا وَسُبْحَانَ اللَّهِ بُكْرَةً وَأَصِيلًا،
لَا إِلَهَ إِلَّا اللَّهُ وَحْدَهُ، صَدَقَ وَعْدُهُ، وَنَصَرَ عَبْدَهُ، وَأَعَزَّ جُنْدَهُ، وَهَزَمَ الْأَحْزَابَ وَحْدَهُ،
لَا إِلَهَ إِلَّا اللَّهُ وَلَا نَعْبُدُ إِلَّا إِيَّاهُ مُخْلِصِينَ لَهُ الدِّينَ، وَلَوْ كَرِهَ الْكَافِرُونَ، لَا إِلَهَ إِلَّا اللَّهُ
وَاللَّهُ أَكْبَرُ، اللَّهُ أَكْبَرُ وَلِلَّهِ الْحَمْدُ.

الْحَمْدُ لِلَّهِ الْمَحْمُودِ بِلِسَانِ الْمُؤْمِنِينَ، الْمُتَفَضِّلِ عَلَى الْخَلْقِ أَجْمَعِينَ، لَا نُخْصِي
نِعْمَهُ، وَلَا نَعُدُّ آلَاءَهُ، فَلَهُ الْحَمْدُ كُلُّهُ، وَتَبَارَكَ اسْمُهُ، وَتَعَالَى جَدُّهُ، وَلَا إِلَهَ غَيْرُهُ.
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ؛
شَرَعَ لِمَمَّتِهِ الْأَعْيَادَ الشَّرْعِيَّةَ فَأَغْنَاهَا عَنْ أَعْيَادِ الْجَاهِلِيَّةِ.

صَلَّى اللَّهُ وَسَلَّم وَبَارَكَ عَلَى سَيِّدِنَا مُحَمَّدٍ وَعَلَى أَزْوَاجِهِ وَآلِهِ الطَّاهِرِينَ، وَعَلَى
صَحَابَتِهِ الْغُرِّ الْمَيَامِينِ، وَعَلَى التَّابِعِينَ لَهُمْ بِإِحْسَانٍ إِلَى يَوْمِ الدِّينِ.
أَمَّا بَعْدُ: فَاتَّقُوا اللَّهَ، أَيُّهَا الْمُؤْمِنُونَ، لَعَلَّكُمْ تُفْلِحُونَ،



اتَّقُوهُ..... وَقُولُوا قَوْلًا سَدِيدًا ﴿٧٠﴾ يُصْلِحْ لَكُمْ أَعْمَالَكُمْ وَيَغْفِرْ لَكُمْ ذُنُوبَكُمْ وَمَنْ يُطِيعِ

اللَّهِ وَرَسُولَهُ فَقَدْ فَازَ فَوْزًا عَظِيمًا ﴿٧١﴾ [الأحزاب: 70، 71]،

وَاحْمَدُوا رَبَّكُمْ حَيْثُ جَعَلَ لَكُمْ عِيدًا عَظِيمًا وَمَوْسِمًا جَلِيلًا كَرِيمًا.

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ ، وَلِلَّهِ الْحَمْدُ

PARA TETAMU ALLAH YANG DIRAHMATI,

Bertakwalah kepada Allah **سُبْحَانَهُ وَتَعَالَى** dengan melaksanakan segala perintah-Nya dan menjauhi segala larangan-Nya. Mudah-mudahan kita sentiasa berada dalam rahmat dan keredaan Allah di dunia mahupun di akhirat. Di pagi Aidilfitri yang indah ini khatib akan menyampaikan khutbah yang bertajuk: **"Syawal Dihayati, Dosa Dihindari"**

MUSLIMIN DAN MUSLIMAT YANG DIRAHMATI ALLAH,

Anugerah paling berharga yang dikurniakan Allah **سُبْحَانَهُ وَتَعَالَى** di saat ini adalah peluang menjadi seorang hamba. Hamba yang berjaya melalui ujian dan tarbiah berpuasa serta melakukan amal soleh sepanjang Ramadhan. Seterusnya, dianugerahkan peluang hadir ke rumah Allah **سُبْحَانَهُ وَتَعَالَى** sebagai tetamu untuk mendirikan solat hari raya dengan penuh kesyukuran. Madrasah Ramadhan merupakan suatu ujian bagi hamba Allah **سُبْحَانَهُ وَتَعَالَى** yang bertakwa. Entah bila lagi kita akan bertemu generasi yang mampu menangi



pemergian Ramadhan? Entah bila lagi kita akan temui generasi yang mampu merindui pemergian Ramadhan?

Mimbar berdoa agar semua amalan yang dilakukan sepanjang bulan Ramadhan diterima oleh Allah **سُبْحَانَهُ وَتَعَالَى** dan dianugerahkan kalungan takwa sebagai ganjaran. Mudah-mudahan dengan berbekalkan tarbiah Ramadhan yang telah dilalui, kita terus mendapat petunjuk bagi mempertahankan iman dan akidah, serta diberi kekuatan agar terus istiqamah beribadah sepanjang masa.

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ ، وَلِلَّهِ الْحَمْدُ

MUKMININ MUKMINAT RAHIMAKUMULLAH,

Kini tibalah masa dan detik untuk kita bersama meraikan kemenangan dengan melafazkan takbir, tahmid, tasbih dan tahlil dalam suasana penuh mahabbah dan kesyukuran. Kita agungkan kebesaran Allah **سُبْحَانَهُ وَتَعَالَى**. Sesuai dengan firman-Nya dalam surah Al-Baqarah ayat 185:

وَلِكُمِلُوا الْعِدَّةَ وَلِتُكَبِّرُوا اللَّهَ عَلَى مَا هَدَيْكُم وَلَعَلَّكُمْ تَشْكُرُونَ ﴿١٨٥﴾

Maksudnya: *“Dan juga supaya kamu cukupkan bilangan puasa (sebulan Ramadhan), dan supaya kamu membesarkan Allah kerana mendapat petunjuk-Nya, dan supaya kamu bersyukur.”*

Aidilfitri adalah hari yang dianugerahkan oleh Allah **سُبْحَانَهُ وَتَعَالَى** sebagai suatu penghargaan yang tinggi kepada seluruh umat Islam. Ia bererti kembali kepada jati diri manusia sebagai hamba Allah, sebagaimana asal penciptaan manusia iaitu kembali kepada fitrah, dilahirkan bersih daripada dosa dan noda.



Oleh itu, aidilfitri secara umumnya membawa maksud hari insan kembali kepada fitrah dengan mentaati dan mematuhi ajaran Islam. Firman Allah **سُبْحَانَهُ وَتَعَالَى**:

فَأَقِمْ وَجْهَكَ لِلدِّينِ حَنِيفًا فِطْرَتَ اللَّهِ الَّتِي فَطَرَ النَّاسَ عَلَيْهَا لَا تَبْدِيلَ لِخَلْقِ اللَّهِ ذَلِكَ
الدِّينُ الْقَيِّمُ وَلَكِنَّ أَكْثَرَ النَّاسِ لَا يَعْلَمُونَ ﴿٣٠﴾

Maksudnya: *"Maka hadapkanlah wajahmu dengan lurus kepada agama Allah; (tetaplah atas) fitrah Allah yang telah menciptakan manusia menurut fitrah itu. Tidak ada perubahan pada fitrah Allah. (Itulah) agama yang lurus; tetapi kebanyakan manusia tidak mengetahui."*

﴿Surah Ar-Rum: 30﴾

Lafaz takbir yang dilaungkan saban kali Aidilfitri menjelma mempunyai falsafahnya tersendiri. Di dalam sebuah hadis yang diriwayatkan oleh Saidina Jabir **رَضِيَ اللَّهُ عَنْهُ**.

كُنَّا إِذَا صَعِدْنَا كَبَّرْنَا، وَإِذَا نَزَلْنَا سَبَّحْنَا

Maksudnya: *"Kami diajar oleh Rasulullah agar bertakbir apabila kami mendaki tempat yang tinggi dan mengucapkan tasbih apabila kami turun."*

﴿Hadis Riwayat Al Bukhari﴾

Demikian indahna hikmah di sebalik lafaz takbir. Islam mengajarkan kita hakikat kehidupan yang terkandung di sebalik lafaz takbir. Biar setinggi mana kedudukan, semewah mana kekayaan, seluas mana kegembiraan



jangan dilupa akan segala nikmat pemberian Allah **سُبْحَانَهُ وَتَعَالَى**, pemilik agung segala kemewahan. Semoga lafaz takbir **Allahu Akbar** yang dilaungkan pagi ini, dapat membenam segala kesombongan dan membina rasa kebesaran pada Ar-Rahman. Semoga takbir yang dilaungkan pada pagi ini juga merupakan takbir kemenangan, tanda mujahadah sebulan berpuasa.

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ ، وَلِلَّهِ الْحَمْدُ

MUSLIMIN DAN MUSLIMAT YANG DIRAHMATI ALLAH,

Hakikatnya kedatangan Ramadhan saban tahun membantu meleraikan diri daripada belenggu syaitan. Sepanjang Ramadhan syaitan dirantai untuk mengurangkan kemampuan melalaikan manusia. Disempitkan segala ruang pergerakan dengan lapar dan dahaga.

Namun, persoalan yang perlu difikirkan bersama pada pagi ini ialah, adakah kita berjaya melepaskan diri dari mengikut jejak musuh utama ini? Bagi menjawab persoalan ini, marilah kita merenung sejenak amalan seharian kita, apakah menurut seruan Tuhan atau terpedaya dengan bisikan syaitan? Firman Allah **سُبْحَانَهُ وَتَعَالَى** di dalam surah Al-Baqarah ayat 208:

**يَا أَيُّهَا الَّذِينَ ءَامَنُوا ادْخُلُوا فِي السِّلْمِ كَآفَّةً وَلَا تَتَّبِعُوا خُطُوَاتِ الشَّيْطَانِ
إِنَّهُ لَكُمْ عَدُوٌّ مُبِينٌ ﴿٢٠٨﴾**

Maksudnya: *"Wahai orang-orang yang beriman! Masuklah ke dalam Islam secara keseluruhan, dan janganlah kamu ikuti langkah-langkah syaitan. Sungguh, ia musuh yang nyata bagimu."*



اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ ، وَلِلَّهِ الْحَمْدُ

MUSLIMIN DAN MUSLIMAT YANG DIRAHMATI ALLAH,

Andai syaitan bukan penentu haluan seharian kita, maka berjayalah kita semua untuk menyambut hari raya pada hari ini dengan penuh kesyukuran. Inilah falsafah kegembiraan hakiki seperti yang dimaksudkan oleh Imam Ibnu Hajar رَحْمَةُ اللَّهِ di dalam kitabnya Fathul Bari:

إِظْهَارِ السُّرُورِ فِي الْأَعْيَادِ مِنْ شِعَارِ الدِّينِ

Maksudnya: “Menzahirkan kegembiraan ketika Aidilfitri merupakan sebahagian daripada syiar agama.”

Aidilfitri adalah perayaan kita. Ia adalah perayaan yang dianugerahkan oleh Allah سُبْحَانَهُ وَتَعَالَى sebagai perayaan kaum muslimin. Dalam sebuah hadis daripada Anas رَضِيَ اللَّهُ عَنْهُ menceritakan:

قَدِمَ رَسُولُ اللَّهِ صَلَّى اللَّهُ عَلَيْهِ وَسَلَّمَ الْمَدِينَةَ وَلَهُمْ يَوْمَانِ يَلْعَبُونَ فِيهِمَا، فَقَالَ مَا هَذَانِ الْيَوْمَانِ قَالُوا: كُنَّا نَلْعَبُ فِيهِمَا فِي الْجَاهِلِيَّةِ فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: إِنَّ اللَّهَ قَدْ أَبْدَلَكُمْ بِهِمَا خَيْرًا مِنْهُمَا يَوْمَ الْأَضْحَى وَيَوْمَ الْفِطْرِ

Maksudnya: “Ketika Rasulullah صَلَّى اللَّهُ عَلَيْهِ وَسَلَّمَ berhijrah ke Madinah, ada dua hari perayaan yang disambut meriah oleh penduduknya. Maka Baginda صَلَّى اللَّهُ عَلَيْهِ وَسَلَّمَ bertanya: “Dua hari apakah ini? Jawab mereka: “Kami bersuka ria pada dua hari ini di zaman jahiliah. “Lalu Rasulullah صَلَّى اللَّهُ عَلَيْهِ وَسَلَّمَ bersabda:



Sesungguhnya Allah menggantikan untuk kamu dua hari yang lebih baik daripada itu, iaitu Aidiladha dan Aidilfitri."

﴿Hadis Riwayat Abu Daud﴾

Aidilfitri ini adalah hari kita. Sambutlah ia dengan cara kita tersendiri. Sebagai seorang muslim kita perlu ada jati diri. Kegembiraan kita juga semestinya mengikut cara dan acuan syarak. Oleh itu, isilah kegembiraan lebaran dengan cara Islam, cara yang disukai oleh Allah **سُبْحَانَهُ وَتَعَالَى**. Bukan mengikut telunjuk nafsu dan syaitan, bukan cara Yahudi atau Nasrani.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ

MUSLIMIN DAN MUSLIMAT YANG DIRAHMATI ALLAH,

Dalam kemeriahan menyambut lebaran, jangan sesekali mencemarkannya dengan dosa atau perbuatan yang dimurkai oleh Allah **سُبْحَانَهُ وَتَعَالَى**. Elakkan pembaziran, berpakaian tidak menutup aurat atau bersalaman di antara lelaki dan perempuan yang bukan mahram. Padamkan dendam sengketa ketika tangan dihulur mesra. Leburkan kemarahan membara ketika tangan berjabat erat. Jangan biarkan gajet merampas kemesraan dan ukhuwah silaturrahim yang sepatutnya terjalin ketika menyambut Aidilfitri.

Ayuh kita penuhkan sambutan Aidilfitri dengan aktiviti ziarah-menziarahi saudara mara dan jiran tetangga serta menghadiri jemputan rumah terbuka. Di samping itu, jangan sesekali kita lupa rumah Allah juga sentiasa terbuka lima kali sehari untuk memenuhi tuntutan sebagai hamba.



Tarbiah Ramadhan yang lalu sepatutnya membina individu muslim yang mempunyai sifat-sifat takwa, sabar dan syukur. Inilah sifat yang akan membentuk akhlak terbaik ketika bergaul dengan masyarakat terutama pada sambutan Aidilfitri serta membina suasana yang damai dan harmoni. Para muslim yang memiliki ciri dan sifat tersebut akan menampilkan akhlak yang penuh beradab dalam perhubungan sesama manusia.

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ ، وَلِلَّهِ الْحَمْدُ

Ingatlah lebaran tidak diraikan dengan hanya menyarungkan pakaian baharu, bahkan hakikat Hari Raya telah dinyatakan oleh Ibnu Rajab Al Hambali رَحِمَهُ اللَّهُ:

لَيْسَ الْعِيدُ لِمَنْ لَبَسَ الْجَدِيدَ، إِنَّمَا الْعِيدُ لِمَنْ طَاعَاتُهُ تَزِيدُ

Maksudnya: *"Bukanlah hari raya itu pada orang yang memakai pakaian yang baru, tetapi sesungguhnya hari raya sebenar itu ialah apabila ketaatan bertambah."*

Sebagai kesimpulan daripada khutbah Aidilfitri pada kali ini, mimbar menggariskan 3 perkara utama iaitu:

1. Raikan kegembiraan Syawal pada tahun ini dengan penuh kesyukuran atas nikmat yang dianugerahkan oleh Allah سُبْحَانَهُ وَتَعَالَى.
2. Janganlah mencemari kesucian Syawal ini dengan dosa dan maksiat bahkan penuhkan ia dengan amal dan keikhlasan agar kita mencapai keredhaan-Nya.
3. Sentiasa istiqamah dalam melakukan amal ibadah agar kita tidak tergolong di dalam golongan yang hanya beribadah di bulan Ramadhan.



Firman Allah dalam surah Al-Kahfi ayat 30:

إِنَّ الَّذِينَ ءَامَنُوا وَعَمِلُوا الصَّالِحَاتِ إِنَّا لَا نُضِيعُ أَجْرَ مَنْ أَحْسَنَ عَمَلًا ﴿٣٠﴾

Maksudnya: “Sebenar orang-orang yang beriman dan beramal soleh sesungguhnya Kami tidak akan menghilangkan pahala orang-orang yang berusaha memperbaiki amalnya.”

بَارَكَ اللَّهُ لِي وَلَكُمْ بِالْقُرْآنِ الْعَظِيمِ. وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ.
وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُكَ اللَّهُ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ
وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، لَا إِلَهَ إِلَّا اللَّهُ وَاللَّهُ أَكْبَرُ،

اللَّهُ أَكْبَرُ وَلِلَّهِ الْحَمْدُ.



Khutbah Kedua Aidilfitri

(1 Syawal 1444H / 22 April 2023M/)

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ

اللَّهُ أَكْبَرُ، وَلِلَّهِ الْحَمْدُ

اللَّهُ أَكْبَرُ كَثِيرًا، وَالْحَمْدُ لِلَّهِ كَثِيرًا، وَسُبْحَانَ اللَّهِ بُكْرَةً وَأَصِيلًا، لَا إِلَهَ إِلَّا اللَّهُ، وَاللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

الْحَمْدُ لِلَّهِ الَّذِي جَعَلَ لَنَا فِي يَوْمِنَا عِيدًا، وَوَهَبَ لَنَا فِيهِ أَجْرًا مَزِيدًا، فَالْحَمْدُ لِلَّهِ عَلَى صِيَامِ شَهْرِ رَمَضَانَ وَإِتِّمَامِ أَيَّامِهِ، فَلَكَ الْحَمْدُ رَبَّنَا أَوَّلًا وَآخِرًا، ظَاهِرًا وَبَاطِنًا. وَنُصَلِّي وَنُسَلِّمُ عَلَى خَيْرِ خَلْقِ اللَّهِ، مُحَمَّدٍ بِنِ عَبْدِ اللَّهِ، وَعَلَى آلِهِ وَصَحْبِهِ وَمَنْ نَصَرَهُ وَوَلَاهُ. أَمَّا بَعْدُ؛ فَاتَّقُوا اللَّهَ، عِبَادَ اللَّهِ، فَإِنَّهَا أَعْظَمُ مَا أُبْتَغَى بِهِ رَحْمَةُ اللَّهِ؛

سورة آل عمران: 179

(وَأِنْ تُؤْمِنُوا وَتَتَّقُوا فَلَكُمْ أَجْرٌ عَظِيمٌ ﴿١٧٩﴾)

MUSLIMIN YANG DIRAHMATI ALLAH,

Bertitik tolak pada apa yang disampaikan di dalam khutbah yang pertama tadi, marilah kita bersama-sama mensyukuri nikmat yang telah dianugerahkan Allah سُبْحَانَهُ وَتَعَالَى kepada kita. Di saat kita sedang bergembira



meraikan lebaran pada hari ini, masih terdapat sebahagian insan yang kurang bernasib baik. Tiada pakaian baru yang menghias diri, tiada juadah enak yang akan disaji, malah juga tiada perhiasan mencantikkan kediaman sendiri. Oleh itu, jangan sesekali kita abaikan mereka agar kemeriahan dan keceriaan Aidilfitri dapat dirasakan bersama.

Mimbar juga menzahirkan rasa pilu terhadap saudara kita di Turkiye dan di Syria yang diuji dengan gempa bumi sebelum ini. Gegaran tersebut telah mengorbankan puluhan ribu nyawa dan memusnahkan kediaman. Marilah sama-sama kita berdoa agar Allah **سُبْحَانَهُ وَتَعَالَى** menganugerahkan ketabahan bagi mereka untuk melalui setiap ujian dengan penuh kesabaran.

Firman Allah di dalam surah Al-Baqarah ayat 155:

وَلَنَبْلُوَنَّكُمْ بِشَيْءٍ مِّنَ الْخَوْفِ وَالْجُوعِ وَنَقْصٍ مِّنَ الْأَمْوَالِ وَالْأَنْفُسِ وَالثَّمَرَاتِ وَبَشِّرِ

الصَّابِرِينَ ﴿١٥٥﴾

Maksudnya: *“Dan sungguh akan Kami berikan cubaan kepadamu, dengan sedikit ketakutan, kelaparan, kekurangan harta, jiwa dan buah-buahan. Dan berikanlah berita gembira kepada orang-orang yang sabar.”*

MUSLIMIN DAN MUSLIMAT YANG DIRAHMATI,

Dalam kemeriahan kita menyambut Aidilfitri, Allah **سُبْحَانَهُ وَتَعَالَى** menjanjikan ganjaran yang besar buat mereka yang meneruskan amalan berpuasa enam hari di dalam bulan Syawal. Rasulullah **صَلَّى اللَّهُ عَلَيْهِ وَسَلَّمَ** juga



menganjurkan supaya melakukan amalan ini kerana sesiapa yang berpuasa Ramadhan dengan sepenuhnya kemudian diteruskan 6 hari lagi berpuasa di bulan Syawal, maka akan diberi ganjaran seperti berpuasa sepanjang tahun. Oleh yang demikian, rebutlah anugerah Allah sebagai rahmat yang tidak ternilai besarnya kepada kita. Rasulullah ﷺ bersabda melalui hadis daripada Saidina Abu Ayyub Al-Ansari:

مَنْ صَامَ رَمَضَانَ ثُمَّ اتَّبَعَهُ سِتًّا مِنْ شَوَّالٍ كَانَ كَصِيَامِ الدَّهْرِ

Maksudnya: “Sesiapa yang telah berpuasa Ramadhan kemudian diikuti pula dengan berpuasa enam hari di bulan Syawal maka adalah pahalanya seperti dia berpuasa sepanjang tahun.”

﴿Hadis Riwayat Muslim﴾

MUSLIMIN RAHIMAKUMULLAH,

Pada hari yang berbahagia ini marilah kita memperbanyakkan selawat dan salam kepada junjungan mulia Rasulullah ﷺ. Firman Allah di dalam surah Al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ سَيِّدِ الْمُرْسَلِينَ وَعَلَى آلِهِ وَأَصْحَابِهِ وَالتَّابِعِينَ وَتَابِعِي التَّابِعِينَ وَتَابِعِيهِمْ بِإِحْسَانٍ إِلَى يَوْمِ الدِّينِ. وَارْحَمْنَا مَعَهُمْ بِرَحْمَتِكَ يَا أَرْحَمَ الرَّاحِمِينَ.



اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ انصُرْ مَنْ نَصَرَ الدِّينَ وَاخْذُلْ مَنْ خَدَلَ الْمُسْلِمِينَ وَدَمِّرْ أَعْدَاءَنَا أَعْدَاءَ الدِّينِ
وَأَهْلِكَ الْكُفْرَةَ وَالْمُبْتَدِعَةَ وَالْمَشْرِكِينَ، وَأَعْلِ كَلِمَاتِكَ إِلَى يَوْمِ الدِّينِ. اللَّهُمَّ اكْفِنَا شَرَّ
الظَّالِمِينَ وَاكْفِنَا شَرَّ الْحَاسِدِينَ. وَاكْفِنَا شَرَّ مَنْ يُؤْذِنَا وَأَهْلِكَ مَنْ أَرَادَنَا بِالسُّوءِ يَا أَرْحَمَ
الرَّاحِمِينَ.

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوَلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عَزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ
مُصْلِحِينَ وَاشْمَلِ اللَّهُمَّ بِعَنَائِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni
Almarhum Sultan Haji Ahmad Shah Al-Musta'in Billah dan Kebawah Duli
Yang Maha Mulia Seri Paduka Baginda Raja Permaisuri Agong, Tunku
Azizah Aminah Maimunah Iskandariah Binti Almarhum Al-Mutawakkil
Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul
Razak, Yang di-Pertua Negeri Pulau Pinang.



رَبَّنَا اغْفِرْ لَنَا وَلِإِخْوَانِنَا الَّذِينَ سَبَقُونَا بِالْإِيمَانِ وَلَا تَجْعَلْ فِي قُلُوبِنَا غِلًّا لِلَّذِينَ آمَنُوا
رَبَّنَا إِنَّكَ رَءُوفٌ رَحِيمٌ. وَالْحَمْدُ لِلَّهِ رَبِّ الْعَالَمِينَ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ الْفَخْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ. فَادْكُرُوا اللَّهَ الْعَظِيمَ يَذْكُرْكُمْ، وَاشْكُرُوهُ عَلَى
نِعَمِهِ يَزِدْكُمْ وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ.

اللَّهُ أَكْبَرُ ، اللَّهُ أَكْبَرُ ، اللَّهُ أَكْبَرُ ، وَلِلَّهِ الْحَمْدُ.